

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri

Aningaasaqarnermut tunngasut

**Imm. 3.1 Inuit innarluutillit pillugit Angerlarsimaffik Neriusaami suliniutinut qinnuteqaat.
Maniitsoq.**

**Imm. 3.2 Sisimiuni Utoqqaat angerlarsimaffiannut Qupanummut immikkut
aningaasaliissuteqarnissaa pillugu qinnuteqaat**

Suliassat naliginnaasut

**Imm. 41 Meeqqat atuarfiinut Isumaginninnermi siunnersortitut atorfirmik tunniussineq
pillugu**

Paasissutissiissutit

**Imm. 6.1 Paasissutissiissut Qeqqata Kommuniani Atugarissaarnermi
Immikkoortortaqaarfimmi kommunimi akigitassat 2021.**

Imm. 08 Tamalaat

Ataatsimiinneq aallartippoq nal. 09:01

Peqataasut:

Atassut

Anna Karen Hoffmann, Kangerlussuaq

Siumut

Hans Frederik Olsen, Siulittaasoq, Sisimiut

Erik Jensen, Sisimiut

Jakob Olsen, Sisimiut. Juliane Enoksen-imut sinniisoq

Inuit Ataqaatigiit

Nalunaaruteqarlutik peqataannngitsut:

Juliane Enoksen, Siulittaasup tullia Sisimiut

Nalunaaruteqaratik peqataannngitsut

Paulus Christensen, Sisimiut

Imm. 01 Oqaluuserisassat akuersissutigineri

Aalajangiineq

Akuersissutigineqarput.

Imm. 3.1 aamma Imm. 3.2 paarlaanneqarput.

Hans Frederik Olsen angerlarsimaffeqannngitsut pillugit tamalaani oqaasissaqarpoq.

Aningaasaqarnermut tunngasut

Imm. 3.1 Inuit innarluutillit pillugit Angerlarsimaffik Neriusaami suliniutinut qinnuteqaat. Maniitsoq.

Journalnr. 03.01

Tunuliaqutaq

Qinnuteqaatigineqarpoq Angerlarsimaffik Neriusaami inuit innarluutillit pillugit atugaannut pitsanngorsaaniisaq, aammalu aalaakkaanusunik tapersersorsortinik / sulisunillu peqarnissaq, ilanngullugu allaffissuarmi suleriutsit eqaannerusut atorineqarnissaat, aammalu tapersersortit / sulisut nakkutigineqarnissaannut pitsaanerusumik ingerlanneqarnissaat.

Maleruagassatigut tunngavissat

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersoq § 19. Inummur innarluutilimmur ulloq unnuarlu neqeroorummiittumur ulloq unnuarlu inissiiviusumur ataatsimur akigititaq aalajangersagaasoq atorlugu kommunalbestyrelse inissiisoq akiliissaaq.

Imm. 2. Imm. 1 malillugu ullormur unnuamullu inissiinermi akigititaq atorineqartoq, kommunalbestyrelsip inissiisimasup akiliutissaa, Naalakkersuisut kommunalbestyrelsillu, imaluunniit kommunit ataatsimoorlutik sinniisaata, isumaqatigiinniareernerisigut ukiumoortumik aalajangerneqartassaaq, taamaalilluni akigititap tamarmiusup ulloq unnuarlu neqeroorutip ingerlatsinerminur aningaasartuutai matussuserneqarniassammata.

Imm. 1 malillugu Naalakkersuisut ulloq unnuarlu neqeroorummiinnermur akigititaq ukiumoortumik aalajangersassavaat aammalu Naalakkersuisut.gl atorlugu tamanur saqqummersissallugu.

Pissutsit atuuttut

Inuit innarluutillit tapersersortissaannik atorfinitsinneqaraangata.

Inuit innarluutillit inatsisaata ataani sullinneqartut angerlarsimaffik Neriusaamur nuukkaangata ullormur akiliut kr.1.489,18 atorineqartarpoq. Immikkur inuit innarluutillit paaqqutarineqarnerunissaminur pisariaqartitsisoqartillugu, immikkur tapersersortilerneqarnissaannur qinnuteqaassunneqartarput. Allaffissuarmi tapersersortimik qinnuteqaassunneqaraangata, suliaqarneq pissutsit assigiinngitsut pissutaallutik suliaq sivitsortoorunneqarsinnaasarpoq, tamannalu ikiorserneqarnissaminur pisariaqartitsisumur aammalu Neriusaami sulisunur qasunarsinnaasarluni utaqqikatannarsinnaasarlunilu.

Tapersersortiliinissaq akuersissutigineqaraangat, tapersersortinngortoq Atugarissaarnermur Immikkoortortaqrarfiup ataani tapersersorteqartitsivimmi atorfinitsinneqartarpoq, Neriusaamilu inuk innarluutilik sullinneqartarluni.

Neriusaami tapersersortaaartur ataasiaannaratik oqariartuutigisarpaat, taamatut inissisimanerup tapersersortitit sulisutur inissisimanerminni sakkortusinnaasartoq, misigisarsimagamikku Neriusaami sulisunur ilaanatik akunatillu, pissutigalugu Atugarissaarnermur Immikkoortortaqrarfiup tapersersorteqartitsiviup ataani atorfinitsinneqarsimagamik.

Suliniutaavoq inuit innarluutilinnur sullissinermi sukkanerusumik ikiorsiissutit pisariaqartinneqartur pilertornerusumik allartinneqartarnissaat, aammalu sulisoqarnikkur pitsanngorsaaniisaq anguniarlugu ullormur akiliutip allannguiffigineqarneratigut, Neriusaamur nuuttoqarnermi suliaasaq

tamarmiusoq angerlarsimaffik Neriusaami Peqqissaasumik Ningiumiillu qanoq annertutigisumik nuuttoq paaqqutarineqarnissaminik nalilersuivigineqarluni, aammalu nalilersuereernerup kingorna akiliutaassusaaq inissinneqarsinnaassalluni, nammineerlutillu tapersortimik / sulisumik atorfinitsitsisinnaassallutik.

Aningaasaqarnikkut allaffissornikkullu kingunerisinnaasai

Ataani nassuiarneqarneri inissinneqarput

Eqitsik 1.

Inuk innarluutilik timikkut tarnikkullu piginnaasatigut inissisimanera	Tapersersorti / Sulisoq	Tapersersorti qaammammut	Ulloq unnuarlu akigititaaq qaammammut	Aningaasar-tuutit katillugit	Nutaaq Ulloq unnuarlu akigititaaq
a) Kommunip akigititai nalinginnaasumik passutassaaq: Inuttut ikiorserneqartarialik aammalu tapersersorneqartarialik			Kr. 49.709,43		
b) Passutassaanerusoq: Assut pisariaqartitsisoq aammalu annertuumik paaqqutarineqartarialik timikkut imaluunniit tarnikkut sanngiillisi-masoq	tapersersorti / Sulisoq ataaseq ullukkuinnaq	Kr. 19.389	Kr. 49.709,43	Kr. 69.098,43	Kr. 2.229
c) Immikkut Passutassaanerusoq: Assut pisariaqartitsisoq aammalu annertuumik paaqqutarineqartarialik timikkut imaluunniit tarnikkut sanngiillisi-masoq	tapersersorti / Sulisoq marluk ullukkut unnukkullu sulisoqarnissaaq	Kr. 39.448	Kr. 49.709,43	Kr. 89.157	Kr. 2.876
d) Annertusisamik passutassaaneruneq: Arlannik nappaatilik, sutigut tamatigut allanit ulloq unnuarlu paaqqutarineqartarialik aammalu isumassorneqartarialik.	tapersersorti / Sulisoq pingasut ulloq unnuarlu sulisoqarnissaaq sak.ak. naanera ilanngullugu	Kr. 86.450	Kr. 49.709,43	Kr. 136.159	Kr. 4.392

**Atugarissaarnermut Ataatsimiititaliap december-ip 8-ani 2020-imi ileqquusumik ataatsiminnera
11/2020 – Imaqarniliaq**

A)

Inuit innarluutilit aammalu oqilisaaffigineqarnissaminnik pisareriaqartitsisut Kommuni akigititai Nalinginnaasumik ulloq unnuarlu najugaqarnermut nerisaqarnermullu kr. 1.603,53 akeqarpoq

Tapersersortinut aningaasartuutit naatsorsorneqarneri.

Akunermusiaqartitsineq tiimimut kr. 98,27-miippoq saniagut innarluutilinnut passussinermi tapeq tiimimut kr.1,93-miilluni = kr. 100,20 x 40 tiimit = Kr. 4.008,-

B.)

Tapersersorti ullukkuinnaq

akissarsiat	+ feriepenge	katillugit	
Kr. 4.008,-	513,-	4.513,-	Sapaatip akunneranut
Kr.8.016,-	1.026,-	9.042,-	Sapaatip akunneri marluk
Kr.17.234,-	2.154,-	19.389	qaammammut

C) Tapersersorti marluk ullukut unnukkullu

Unnukkut tapeq kr.4,5 ilanngullugu kr.105,-

akissarsiat	+ feriepenge	katillugit	Akissarsiat	+ feriepenge	katillugit	Sulisut marluk	
Kr. 4.008	513	4.513	Kr. 4.188	524	4.712	9.225	Sapaatip akunneranut
Kr.8.016	1.026	9.042	Kr.8.376	1.047	9.423	18.465	Sapaatip akunneri marluk
Kr.17.234	2.154	19.389	Kr.18.008	2.251	20.259	39.648	qaammammut

D) Tapersersorti Sap.ak. naanerani sulinerisa naatsersorneri

Tallimangorneq (17.00-24.00) 7 tiimit x 104,90 =734,30 + 12,5% =91,79= **826**

Unnuakkut (24.00-8.00) 8 tiimit x105,-= 840,-+ 12.5 % =105 = **940**

Arfinngorneq –(08.00 -17.00) 9 tiimiit x100,20 + 12,5%=112,73 =**1.015**

Arfinngorneq –(17.00 – 24.00) 7 tiimit x 104,90 + 12,5% =91,79= **826**

Sapaat (24.00-08.00) 8 tiimit x 156,84 + 12,5%=156,84= **1.412**

Sapaat (08.00-17.00) 9 tiimit x 149,34+ 12,5%=168,01=**1.344**

Sapaat (17.00-24.00) 7 tiimit x 153,84+ 12,5%=134,61= **1.211**

Katillugit Sap.ak. naanerani sulinerup immikkut aningaartuutit **6.375**

6.375	Sapaatip akunneranut
12.751	Sapaatip akunneri marluk
27.413	qaammammut

Tapersersorti ataaseq ullukkuinnaq qaammammut	tapersersortit marluk ullukut unnukkullu qaammammut	Tapersersortit pingasut Sap.ak. naanerani sulinerisa naatsersorneri ilanngullugu qaammammut
Kr.19.389	Kr. 39.648	Kr. 86.450

Akiliiffissaq

Atuiffik	Taagutaa	Missingersuutit	Atuineq	Sinneri	Atuineq
552040100-0501045700-122150200-010570	Ophold på plejehjem, takstbetalinger kommunal institutioner	2.439	1.095	1.344	44,9%

Atuilluartuunissakkut kingunerisinnaasai

Inuit innarluutillit sukkanerusumik aammalu allanngorartuunngitsumik ikiorserneqartalissapput, sulisut nuannaartut suliffiullu iluani suleqatinut ilaasutut misigitinneqarlutik, aamma allaffissuarmi suleriutsinut oqilisaassisoqassaaq aammalu pitsaanerusumik tapersersortinik / sulisunik isumaginnineq aqutsinerlu ingerlanneqassalluni.

Allaffeqarfiup naliliinera

Atugarissaarnermut immikkoortortaqarfik Maniitsoq naliliivoq, qinnuteqaat tapersersornartoq. Angerlarsimaffik Neriusaamut inuit innarluutilimmik nuuttoqarnermi sukkanerusumik allanngorartuunngitsumillu ikiorsiissutit pisariaqartinneqartut allartinneqartalissammata, aamma allaffissuarmi suleriutsinut oqilisaassisoqassamat, aammalu pitsaanerusumik tapersersortinik / sulisunik isumaginnineq aqutsinerlu ingerlalluarnerrulissamat. Akigititat aallaavigalugit inuk innarluutilik timikkut tarnikkullu piginnaasatigut inissisimanera paaqqutarineqarnissaminut pisariaqartitai aallaavigalugit nalilersuisalerneq aammalu angerlarsimaffik Neriusaami sulisut nuannaartut suliffiullu iluani suleqatinut ilaasutut misigitinneqartalissammata.

Innersuussut

Maniitsumi Atugarissaarnermut immikkoortortaqarfiup Atugarissaarnermut Ataatsimiititaliamut innersuussutigivaa akuereqqullugit:

1. Eqitsik 1. malillugu januar-ip aallaqqaataani 2021 atuutilernissaat.
2. Angerlarsimaffik Neriusaami najugaqartoqarnerani tapersersortaasa normering-init malitseqartarnissaa.
3. Suliaq Aningaasaqarnermut Ataatsimiititaliamut akuersissutigineqartussanngorlugu ingerlateqqinneqassaaq

Aalajangiineq

Akuersissutigineqarpoq suliarlu Aningaasaqarnermut ataatsimiititaliamut akuersissutigineqartussanngorlugu ingerlateqqinneqassaaq.

Ilanngussaq

1. Inuit innarluutillit angerlarsimaffik Neriusaamut inissiinermi immersortagassaaq.

Imm. 3.2 Sisimiuni Utoqqaat angerlarsimaffiannut Qupanummut immikkut aningaasaliissuteqarnissaa pillugu qinnuteqaat

Journalnr. 06.02.01

Tunuliaqutaq

Utoqqaat angerlarsimaffiata 2020-mut ukiup affaanut naatsorsuutaanik misissuineri ersarissumik takuneqarsinnaavoq, sulisunut 70-inut amerlassusiliinertut akuersissutaasoq missingersuutini eqqortumik, takuuk suliaqarfinnut assigiinngitsunut isumaqatigiissutit nalimmassakkat takussutissiisut, akissarsiaviit qaffasissusissaannik, ulloq unnuarlumut tapit aamma ulluinnarni nalliuttunut tapinik kiisalu annertuumik sulinngittarnermik sulisitsisup aningaasartuutaanik ersinngitsunik takussutissiinngitsut, 2020-mi akissarsiani 4 mio. koruunit missaani atuivallaarnermut pingaarnertut pissutaasut.

Utoqqaat angerlarsimaffiata missingersuutaanut ukiunullu missiliuuteqarfiusunut immikkut aningaasaliissutinik 3.280 t. koruuninik 2019-imi qinnuteqartoqarpoq. Aningaasat 2019-imut akissarsiani 1.1 mio. koruuninik ingerlatsinermilu 2,28 mio. koruuninik aningaasaliiffigineqarput. Ukiuni missiliuuteqarfiusuni katillugit ukiumut 1.438 t. koruunit aningasaliissutaapput, akissarsianut 869 t. koruuninik kiisalu utoqqaat angerlarsimaffianni innarluutilinnut marlunnut 67 ataallugit ukiulinnut akigititanut akiliutissatut isertitassatut missingersuutaasunik 569 t. koruuninik peersinikkut ataatsimoortinneqartut.

Aningaasat qinnuteqaataasut 2019-imili utoqqaat angerlarsimaffiani ingerlatsinermik oqimaaqatigiissitsinissamut pisariaqartitat ataaniilereernikuuvoq.

Utoqqaat angerlarsimaffianut 2020-mi missingersuutit annikinaagaasorujussuupput, ingammik akissarsiani missingersuutit sulisut amerlassusissaattut tunniunneqartumik aningaasartuutivinnut naapertuutinnngimmata.

Naatsorsuinerup ukiumut 2020-mut pingaarnertut immikkut aningaasaliisoqarnissaanik tullinnguuttutigut pisariaqartitsisoqartoq takutipkaa:

- Akissarsiat: 4,9 mio. kr. – (taakkunanga 850 t. koruunit Namminersorlutik Oqartussanit utertitassanit aningaasalersorneqarlutik - PKU-mi aningaasalissutit isertitassatut aningaasaliissutitut nutaatut ilanngunneqarnsikuusut) = 4.050 t kr..
- Ingerlatsineq: 973 t. koruunit isertitanik ingerlatsinermullu aningaasartuutininik imaqartut
- Isertitassatut aningaasaliissutit: 67 ataallugit ukiulinnut innarluutilinnut najugaqartunut akigititanut akiliutigittinniakkat 1,1 mio koruunit (isertitassatut aningaasaliissutigisat 1,1 mio. koruuniusut 2020-mi akuersissutigineqarput, kisianni utoqqaat angerlarsimaffianni akigititanut akiliutit ataanni isertitassatut aningaasaliissutittut allanneqanngisaannarlutik)
- = ilanngaattissat ilanngaatigereerlugit aningaasat qinnutigineqartut tassaapput: 3,9 mio. kr.

Ukiuni missiliuuteqarfiusuni annertoqatigingajaanik aningaasaliisoqarsinnaavoq, unali allannguutigalugu atuiffimmi 112030200 Utertassat ukiumi missiliuuteqarfimmit 2022-mi peerneqassasut, ilutigitillugulu akissarsianut aningaasaliissutit 122010200 annertoqatigingajaanik appartinneqassasut. Allattugaanerusut ilanngussatut ilanngussami takuneqarsinnaapput.

Maleruagassatigut tunngavigisat

Qeqqata Kommunianni Karseqarnermut naatsorsuuserinermullu malittarisassani imm. 3.3-mi allassimavoq, kommunalbestyrelsi aningaasaliissusaatitaasoq.

**Atugarissaarnermut Ataatsimiititaliap december-ip 8-ani 2020-imi ileqquusumik ataatsiminnerna
11/2020 – Imaqarniliaq**

Pissutsit atuuttut

Sisimiuni Utoqqaat angerlarsimaffiat Qupanuk najugaqartunut 42-nut inissaqarpoq, paaqqutarisarialinnut aamma puigortunngortunut immikkooortortamut kiisalu nutaartut pilersinneqartumut immikkooortumut illersugaasumik aamma qasuersaartarfimmut ataatsimut agguataagalluni, sulisunullu 70-inut amerlassusilinnut akuerisaalluni.

Takuuk suliaqarfinnut assigiinngitsunut isumaqatigiissutit nalimmassakkanut takussutissiisut, akissarsiaviit qaffasissusissaannik, ulloq unnuarlumut tapit aamma ulluinnarni nalliuttunut tapinik kiisalu annertuumik sulinngittarnermik sulisitsisup aningaasartuutaanik ersinngitsunik takussutissiinngitsut, utoqqaat angerlarsimaffiata akissarsianut missingersuutaa nutartigaanngilaq.

Utoqqaat angerlarsimaffiat sulisunut 70-inut amerlassusilinnut akuerisaavoq, piffissami matumani 68-iunissaat pilersaarusiorparput.

Atorfiit	Amerlassusiliineq	Inuttaqanngitsut	Atorfinnut paarlatsit allatullunniit sulititat
Pisortaq	1,00		
Pisortamut tullersorti	1,00		
Allaffik	1,00		
Pedeli	1,00		
Biiliussisarteq	2,00		
Timigissaasoq	1,00	Ataaseq inuttaqanngilaq	
Peqqissaasoq	1,00		
Ornittakkami aqutsisoq	1,00		
Sammisaqartitsisut	2,00		
Immikkooortortaarfimmi aqutsisut	2,00		
Sundhedsassistentit	8,00	Tallimat inuttaqanngillat	Peqqissaasut marluk (utaqqiisaasumik atorfinitsitat) Paarlattaasartut ilinniagaqanngitsut pingasut
Peqqissaanermik ikiorti	8,00	Arfinillit inuttaqanngillat	Isumaginninnermut ikiortit marluk Paarlattaasartut ilinniagaqanngitsut sisamat
Paaqqutarisarialinni sulisut	20,00		
Økonoma	1,00		
Inuussutissalerinermik assistentit	7,00	Pingasut inuttaqanngillat	Paarlattaasartut ilinniagaqanngitsut pingasut
Innarluutilinnut paaqqutarinniffik	6,00	Ataaseq inuttaqanngilaq	
Errorsisarfimmi aqutsisoq	1,00		
Errorsisarfik	2,00		
Asaasunut aqutsisoq	1,00		
Eqqiaasut	3,00		
Katillugit	70,00		

2020-mi januaarimit 2020-mi septembarip tungaanut qaammammusialinni sulinngittarneq agguaqatigiisillugu sulisuni amerlassusiliinermut 6,7-tut annertussuseqarpoq, aammalu

paarlattaasartut akissarsiaannut 1.278.360 koruunit missaattut annertutigiinnarpoq, ukiullu naanerani suli 426.120 koruuninik atuisoqaqqissasoq naatsorsuutigineqarpoq, ukiup naanerani katillugit 1,7 mio. koruunit missaani.

Sulinngitsoortarnerit soorlu makkuusut:

- Napparsimaneq, meeqqamik napparsimatitsineq, pingasut erninermut atatillugu sulinnigiffeqartut, feeria, taarsiullugu sulinnigiffeqarneq, ataaseq covid 19-imik angerlarsimaannartoq, peqquteqarluni sulinnigineq, peqquteqarani suliginneq.

Illumi qaffasissumik sulinnigittarneq qaanngiuttoornernut akissarsititsinernik atuinerni kinguneqarpoq. Utoqqaat angerlarsimaffiata sulisunik paarlakaattunik pingasunik atorunnaarsitsinikkut napparsimalluni sulinnigittarnerup appartinnissaa tamaviaarutigivaa, aammalu qaffasippaallaamik sulinnigittartunik sulisut ilaannik soraarsitsinikkut aamma kinguneqartitsinikuuvugut.

Sulisut ingerlanerat:

	Pedel	Inulerisut	Rengøring	Køkken	Vaskeri	Dagcenter	i alt
Sulilernikut/ansætte.14-lønnet.jan-sept.20	3	112	8	8	2	0	133
Asoornikut/Ophørt.14-lønnet.jan-sept.20	4	88	7	7	2	0	108
Sulilernikut/Ansætte.Måneds.jan-sept.20	0	4	0	3	0	1	8
Asoornikut/Ophørt.Måneds.jan-sept.20	0	5	0	4	0	0	9

Utoqqaat angerlarsimaffiat agguaqatigiisillugu aggeqquneqartartunik paarlatsinik 24-nik peqarpoq, aammalu paarlattaasartunik annertuumik ingerlasoqarpoq, paaqqtarinninnermik suliasanik nammineq suliarinnilinnginnerminni, paarlatsitut sulilersut tamarmik paaqqtarinninnermi sulisut akornanni ulluni pingasuni ilinniartinneqartarput, nalinginnaasumik sulisut saniatigut immikkut sulisutut, tamannalu ukiumut immikkut amerlassusiliinerup 1,3 assigiinnarpaat, akissarsiani atuineri 330,720 koruunit missaanut naapertuuttoq.

Katillugit qaammatini sisamani immikkut eqqiaanermi assistentit Covid-19 pinaveersaartitsinerat 84.000 koruunit missaani akeqarnikuuvoq.

Qeqqata Kommuniata atuilluartuunissaq pillugu pilersaarusiornermut periusissiaanut naapertuuttumik, ukioq kingulleq utoqqaat angerlarsimaffiat (Naalakkersuisut ungasinnerusumut Ilinniartitaanermut pilersaarutaata ilagisaanut, Ilinniarsimanngitsunut Piginnaasatigut ineriartortitsinermut Suliniut) PKU-mut aningaasanik qinnuteqarlunilu aningaasaliiffigineqarpoq. Suliniut Inuusutissarsiornermut Naalakkersuisoqarfimmit aquneqarpoq.) Ilinniarsimanngitsunut piginnaasatigut nalilersuineri Peqqissaanermut ikiortitut ilinniarnermut ukiumut ataasiusumut, aammalu Nuummi atuagarsornissanut tallimaasuniit siullermut 2020-mi februaarimi sulisut siulliit 14-it aallartinneqarput. Peqqissaanermut ikiortitut ilinniartut inaarutaaasumik 2021-mi januaarimi misilitsissapput. PKU aningaasaliissutai ilinniartitsinermut, Nuummi atuagarsornermut atatillugu aningaasartuutitut tamanut kiisalu Peqqissaanermut ikiortitut ilinniartut atuagarsorneranni akissarsianut aningaasartuutitut matussusiipput. Taamaakkaluartoq atuartut atuagarsorneranni paarlattaasusunut, kiisalu nalinginnasumiit sulisuni qaffasinnerusumik sulinnigitoqarnerani ukioq manna paarlatsinut nutaanut ulluni pingasuni ilinniartitsinertut ilinniarnep malitsigisaanik immikkut aningaasartuuteqartoqarpoq, qaanngiuttoornermut akissarsitsinermik kinguneqartumik.

Takuuk sulisut amerlassusilerneqarnerat 15/4-20-mi peqqissutsimut suliallit aqutsisuanni atorfirmi peqqissaasumik Utoqqaat angerlarsimaffiat atorfinitsitsinikuuvoq. Sulilersitsinissamik ajornakusoortitsineq pissutaalluni Atugarissaarnermut immikkoortotami pisortaanikuusumik Kirsten Bødker-imik isumaqatigiissuteqarnikkut utoqqaat angerlarsimaffiat pisortatut taaguuserlugu atorfirmik annertusaanissamut akuerineqarput, taassumalu akissarsiai ukiumut 122 t. koruunit

missaanik qaffanneqarput. Tamatuma saniatigut utoqqaat angerlarsimaffiat paaqqutarisarialinni atorfinni piffissatut killiligaasuni peqqissaasunik marlunnik atorfinitsitsinikuuvoq peqqissaanermi assistentunik amigaateqarneq pissutigalugu. Utoqqaat angerlarsimaffiat peqqissaanermi assistentitut arfineq-pingasunut aamma peqqissaanermi ikiortitut arfineq-pingasunut amerlassusiligaavoq. Naak uteqqiasumik sulisussarsiortoqartarluartoq, naammattumik sulisunik ilinniarsimasunik sulilersitsinissaq periarfissaqarsimanngilaq. Peqqissaanermut assistentitut sisamanut inuttassarsiuussinermi kingullermi, allagarsiuteqqitaasumi, utoqqaat angerlarsimaffiat peqqissaanermut assistentimik ataatsimik atorfinitsitsivoq, taamaalilluni paaqqutarisarialinni sulisut akornanni massakut peqqissaanermi assistentit pingasut, peqqissaanermi ikiortit marluk aammalu peqqissaasut marluk atorfeqarlutik.

Naatsorsuutaasoq tassaavoq, peqqissaanermut ikiortitut ilinniartut inaarutaasumik misilitsinnermi angusissasut, aammalu 2021-mi januaarimit utoqqaat angerlarsimaffiat peqqissaanermi ikiortinik qulinik sinneqartunik peqalissasoq. Utoqqaat angerlarsimaffiani sulianut ilisimasallit amerlinerisa qulakkiissavaat, najugaqartut sapinngisamik pitsaanerpaamik paaqqutarineqarnissaat aammalu napparsimmavimmik sunniutilimmik suleqatigiinneq. Peqqissutsimut ikiortip aamma paaqqutarinninnermi sulisup ilinniarsimanngitsup sivosoqatigiimmik sulinikuusut akornanni akissarsianut assigiinngissutaat qaammammut 2 t.koruunit missaani annertussuseqarpoq. Oqaatigineqassaaq, peqqissaanermut ikiortitut ilinniartut amerlanersaat ilinniarsimanngitsutut sivisuumi sulinikuunerat, taamaattumik akissarsiani minnerpaamik 250.000 koruunit missaani annertunerulissasut naatsorsuutaavoq.

Peqqissaanermut ilisimasalinnik sulisunik amigaateqarneq pissutaalluni, Utoqqaat angerlarsimaffiat Qupanuk ilaannikkooriarluni angerlarsimaffimmi nakkutilliinertut aaqqiissummik suliaqartariaqartarpoq, tassani ilinniarsimanngitsut sianernissamut periarfissaqartarlutik aammalu pisariaqarfiani suleqatit ilinniarsimasut ikiorlugit. Aaqqiissut taanna suleqatigisamik ilinniarsimasumik vagtiunermik attuumasumut toqqissisimanermik immikkoortitsisinnaanngilaq. Aammattaaq aaqqiineruvoq akisooq, sulisut amerlassusisaattut akuerisaasup qaavatigut immikkut aningaasartuutinik kinguneqartarmat.

Utoqqaat angerlarsimaffiat najugaqartut sinniisaannik ingerlasunik sisamik peqarpoq aammalu qanigisaasunut suleqatigiissitaqarluni.

Utoqqaat angerlarsimaffianni qaammammusiallit pingasut 2020-mi katillugit sapaatit akunnerini 34-ni erninnermut atatillugu sulinngiffeqarnikuupput, tamannalu akissarsianut missingersuutit 200.000 koruuninik tamaviaartippaat.

Ingerlatsinnermi aningaasartuutit ukiuni arlalinni missingersuutitut naapertuunnikuunngillat. 2020-mut missingersuutit ingammik eqqiluisaarnermut, peqqissaanermut atortunik aamma eqqiaanermut atortunik, aserfallatsaliinnermut innaallagissamullu amigaateqarput. Ukioq manna iggavik nutaaq aamma iggavik qalakkasuartartoq aningaasaliiffigineqarlunilu ikkussuunneqarpoq - 2020-mi marsip aqqarnani Atugarissaarnermut ataatsimiititaliap nalinginnaasumik ataatsimiinnerani akuerisaasumi 140 t. koruuninik immikkut aningaasaliiffigineqartoq, j.nr. 44.05. Illumi sanaaqaami qerititsivissuarmik sanasoqarpoq igalaanillu taarsersuisoqarluni, suliaq Teknikkeqarnermut immikkoortortamit 2020-mi ukiakkut aallartinneqartoq, nukissamik sipaaruteqarniarluni suliniutaasoq. Taamaattoqarluartoq nukissamut missingersuutit appasinaagaapput, soorluttaaq paaqqutarinniffimmut massakut missingersuutaasut aningaasartuutivinnut matussusiinngitsut.

Atuilluartuunissakkut kingunerisinnaasai

Utoqqaat angerlarsimaffiata sulisunik ilinniartitsinissaq pingaartippaa. Paaqqutarinniffimi sulisut akornanni suliatigut ilisimasaqarnerup annertusinera qulakkeerpaa, najugaqartut sapinngisamik pitsaanerpaamik paaqqutarineqarnerat aammalu sulisuusut ataasiakkaat kivillugit, ataatsimut isigalugu aamma inuiaqatigiinni. Paaqqutarinniffimmi sulisut ilinniarluarsimaasuuneratigut pisariaqanngitsumik napparsimmavimmut unititsinissat pinaveersaartippaat, aammalu peqqissaanikkut ilisimasalittut passussinerit soorlu najugaqartup napparsimmavimmut nassiunnissaraluanut taarsiullugu utoqqaat angerlarsimaffiani kateterinik taarsersuinerit, ikinik passussinerit assigissaallu suliarinissaanut periarfissaqalerluni. Napparsimmavimmik suleqateqarneq annertusarneqarpoq, aammalu utoqqaat angerlarsimaffiani nakorsiertitsineq (sapaatip akunnera allortarlugu akunnerni marlunni) annertoorujusuarmik pitsanngorsarneqarpoq. Ilinniarsimasut amerlinerisa suliffeqarfik orniginarnerulersippaat aammalu ingerlaavartumik ilisimasanillu avitsiffiusumik pitsaasunik periuseqarnikkut najugaqartunut iluaqutaasumik sulisut paarlakaannerat annikillisarlugu.

Aningaasaqarnikkut allaffissornikkullu kingunerisinaasai

Qinnuteqaataasut ilanngussatut ilanngussami 1-imi missingersugaapput.

Allaffeqarfiup naliliinera

Atugarissaarnermut immikkoortortaqarfiup nalilerpaa, suleqataasunik 14-inik ilinniartitsilluni nassiussinermik siunertaq sulisunut aamma najugaqartunut minnerunngitsumillu suliffeqarfimmut pitsaalluinnartuusoq. Utoqqarnik paaqqutarinninnermik paarsisarnerlu pillugit ilisimaasat annertusissapput, najugaqartunut iluaqutaasumik. Siumut sammisumik suliffeqarfiup naatsorsuutigisinnavaa, sulisuusut peqqinnermut suliaqarluni paaqqutarinninnermik suliaqarsinnaanerulernissaat aammalu sulisut nammineernerulernissaat. Utoqqaat angerlarsimaffianut Qupanummut pingaaruteqarpoq, najugaqartut sulisunut toqqissimanarnerulernissaat, aammalu tamanna sulisuusut ilisimasanik pissarsiassanillu kajumissaaqqinneratigut pisinnaavoq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa:

1. Katillugit 3,9 mio. koruuninik immikkut aningaasaliissuteqartoqarnissaa kiisalu 2020-mut missingersuutini kiisalu ukiuni missiliuteqarfiusuni nuutsisoqarnissaa pillugu qinnuteqaat akuersissutigineqassasoq, aamma
2. Aningaasaqarnermut Ataatsimiititaliamut Kommunalbestyrelsimullu qinnuteqaat akuersissutigineqarnissaa innersuussutigineqassasoq

Aalajangiineq

Akuersissutigineqarpoq, suliarlu Aningaasaqarnermut Ataatsimiititaliamut Kommunalbestyrelsimullu akuersissutigineqarnissaa ingerlateqqinneqassaaq.

Ilanngussat

1. Qupanummi akissarsianut naatsorsuutit
2. Qupanummi 2020-mut aningaasaliissutinut missingersuutit

Suliassat nalinginnaasut

Imm. 41 Meeqqat atuarfiinut Isumaginninnermi siunnersortitut atorfirmik tunniussineq pillugu

Journalnr.

Tunuliaqutaq

Ilinniartitaanermut ataatsimiititaliap 2020-mi novembarip qulingiluaani ataatsimiinnermini, atuarfinni isumaginninnermut siunnersortinik naliliineq eqqartorpaa aammalu Atugarissaarnermut ataatsimiititaliamut innersuussuteqarluni, 2018-imi Kommunalbestyrelsip Atugarissaarnermut immikkoortortamut akuersissutigini kuusai Sisimiuni Maniitsumilu Atugarissaarnermut immikkoortortat sulisunut amerlassusiliinerit tunniuttariaqaraat.

Maleruagassatigut tunngavigisaaq

Pissutsit atuuttut

Ilinniartitaanermut ataatsimiititaliamiit innersuussummik Atugarissaarnermut immikkoortortaq tigusaqarnikuvoq, tassani Ilinniartitaanermut ataatsimiititaliami siulittaasoq Evelyn M. Frederiksen 2020-mi novembarip 17-ani atsiornikuulluni aammalu Atugarissaarnermut immikkoortortap Sisimunit Maniitsumiillu meeqqat atuarfiinut attuumassuteqartut sulinerimik amerlassusiliinernik tunniussinissamik immikkoortoq nammineeirluni agguillugu. Innersuussummumut tunngavioq tassavoq, meeqqat ataatsimiinnermini oqariartuutigini kuummassuk (suliamik saqqummiussaminni nassuarneqanngitsoq) innersuussutigalugulu atuarfimmik isumaginninnermut siunnersortimik atorfinitsitsisoqassasoq. Soorlutaaq nassuiaatigineqartoq, politiit nalunaarusiornermini oqariartuutigigaat, atorfirmik taamaattumik pilersitsinissamik tigussaasumik suliniummik annertuumik pisariaqartoq, iliuusissatut pilersaarummut immikkkuullarissumut pingaaruteqarmat.

Taakku saniatigut taaneqarpoq, Ilinniartitaanermut, Peqqinnermut, Kulturimut Sunngiffimmullu ataatsimiititaliap 2019-imi marsip sisamaani nalinginnaasumik ataatsimiinnerani isumaginninnermut siunnersortinik aaqqiinermik nalilersuinernik ataatsimiititaliaq eqqartuisimasoq, tassani inerniliunneqarluni, Sisimiuni amerlassusiiliinissamut pisariaqartitsisoqartoq, soorlutaaq Ataatsimiititaliap tikkuaraa, immikkoortortami pitsanngorsaatissanut arlalinnut pisariaqartitsisoqartoq, pinaveersaataasumik suliniutaasumik nukittorsaanermut peqataasinnaasumik. Kiisalu paasineqarpoq, Atugarissaarnermut immikkoortortaq sulisunik pinasuartumik amigaateqarmat, Sisimiuni Atugarissaarnermut immikkoortortap isumaginninnermi siunnersorti atuarfinniit meeqqanut inuusuttunullu immikkoortortamut sullissisutut nuutsittariaqarsimagaa.

2020-mi novembarimi Ilinniartitaanermut ataatsimiititaliap ataatsimiinnermini ajornartorsiutaasoq eqqartuiffiginerani aallaavioq 2018-imi suliaasimasoq nalilersuinermut nassuiaat ilanngussaavoq, tassungalu tunngatillugu siusinnerusukkut isumaginninnermut siunnersortit atorfeqarsimasut oqaatigisimallugu, ingammik Minngortuunnguup Atuarfiani inooqataanikkut ajornartorsiutaasut malunnaatilimmik oqimaanneusuni, meeqqanik oqaloqatiginnittarnerit eqqarsartaatsikkut sakkortulluni ajornakusoortarsimavoq. Aammattaaq siusinnerusukkut isumaginninnermut siunnersorti, meeqqanut inuusuttunullu annertuumik sumiginnagaasimasunut oqaloqatiginnittarissanut ajornakusoortut pillugit ilinniaqqinnissamik pikkorissarnissamilu kissaateqarsimavoq. meeqqat inuusuttullu iserfiginissaat ajornakusoortarmat.

Atugarissaarnermut immikkoortortamiit paasissutissiissutigineqarsinnaavoq, 2018-imi isumaginninnermut siunnersortitut atorfiit tallimat Kommunalbestyrelsip akuersissutiginiikummagit, taakkunannga Sisimiuni pingasut Maniitsumilu marluk. Sisimiuni atorfiit pingajuat Pisortaanerup sulisuinut immikkoortinneqarpoq, taamaattumik atorfiit marluinnaat Atugarissaarnermut immikkoortortamut ingerlatinneqarput.

Piffissami tassani nalunaarutiginninnerit amerlammata, Atugarissaarnermut immikkoortortami aqutsisut aalajangiinikuupput, atorfiup aappaa meeqqat atuarfiannut atorneqassasoq, naak atuarfiit atuarfinni namminneq atuartunik oqaloqatiginnittartuusunik AKT-nik ilinniartitsisoqaraluartut, atuarfinni isumaginninnermut siunnertit inissinneqarnissaat pisariaqarsimavoq, atuarfinni ilinniartitsisut suleqatigalugit soorlu netværksmødenik, katsorsaanermut ataatsimiinnernik aamma ilaqutariinnik isumasioqatigiissitsinermi periutsinik nukittorsarneqarnissaanut ineriartortinneqarnissaannullu, tamannali tamakkiisumik iluatsissimangilaq.

Atuarfinni isumaginninnermi siunnersortit atuarfinni atuunnerminni oqaluttuarinikuuat, meeqqaminnut inuusuttunngorsimasunut angajoqqaat amerlasuut nukissaruteqqasut aammalu tunniutiinnartartut. Angajoqqaat killiliinissaminnik ajornakusoortitsipput aammalu meeqqatik ullaakkut itertissinnaanagit, inuusuttut inortuisarnerannik takkutinnittarnerannilluunniit kinguneqartumik.

Isumaginninnermi siunnersortit angajoqqaat oqaloqatigineqarnissaanut piffissarujussuaq atortarpaat, aggeqquseqqinnerit arlallit nassinneqartarlutik. Taakku saniatigut angajoqqaatut oqartussaassusillit akuersissuteqartinneqarnerisigut isumaginninnermi siunnersorti ingerlaavartumik meeqqanik oqaloqatiginnittarpoq, meeqqanut inuusuttunullu amerlasuunut iluaqutaasumik, misigissutsitik eqqarsaatitillu oqaatigisinnaasaramikkik. Meeqqanut inuusuttunullu atuarfimmi ajornartorsiutilinnut angajoqqaajusut oqaloqatiginninnernut takkutilatuaraangamik, amerlasuut perorsaariaatsitik eqqunngitsumik ingerlasut oqariartuutigisarpaat, meeqqat angajoqqaaminnut tusaarusunneq ajormata.

Ajoraluartumik angajoqqaarpoq amerlasuunik aanngajaarniutinik imaluunniit imigassamik ilaatigulluunniit marluutillugit annertumik atuisunik, angajoqqaat atonerluinerannik patsiseqartumik meeqqat anniaatigisaannik, meeqqat misigissutsinut pissutaannut imaqartorujussuusoq.

Atuarfinni isumaginninnikkut siunnersortitut atorfeqarnikuusut malillugit, angajoqqaamik annertuumik atonerluisuunerannik, katissimanikkut/aappariinnikkut aalajaatsunnginnermik, angajoqqaat akornanni suleqatigiinnginnerannik, Laissez-faire perorsaariaatsimik kiisalu akisussaassuseqannginnermi peqquteqartumik meeqqat inuusuttullu amerlasuut kingunerluuteqarput, tamatumalu takussutissippaa, eqqarsartaatsikkut suliarineqarnissaanut pisariaqartitsisoqartoq tamakkulu isumaginninnermi siunnersortip suliarisinnaanngilai, taamaallaalli sullissisumut pineqartumut nalunaarutiginninnermik innersuussisinnaavoq ingerlatitseqqiilluniluunniit.

Sisimiuni Atugarissaarnermut immikkoortortaq suli ilinniarsimasunik isumaginninnermut siunnersortinik amigaateqarpoq aammalu sulisut amerlineqarnissaannut pisariaqartitsilluni, taamaattumik 2020-mi aggustimi Missingersuutit pillugit isumasioqatiginninnermut isumaginninnermut siunnersortit tallimanik ilaneqarnissaannik Atugarissaarnermut immikkoortortaq qinnuteqaraluarpoq, immikkoortortami tamarmiusumi suli at amerlassusaannut tunngatillugu immikkoortortaq suli sulisukippallaarmat.

Atugarissaarnermut immikkoortortaq immikkoortut akimorlugit sullissisut qaffasissusaanni tamani tamaviaartinneqareerpoq. Soorlu assersuutigalugu 2019-imi innarluutilinnut inatsit allangortinneqarmat sulisut amerlineqanngillat, tamatumalu siusinnerusukkut inatsimmi allassimangitsuusoq suliassat amerlasuut "suliassaapput"-mik pisariaqarlutik. Tamatuma sullissisut amerlanerusunik pisussaaffeqalernerat allaffissornermilu suliassat amerlasuut.

Atugarissaarnermut imikkoortumi nukissat amigaataanerat aammalu pisut tamaviaarnerat pissutaalluni, Atugarissaarnermut immikkoortortap atuarfinni isumaginninnermi siunnersortit

utertittariaqarsimavai, suliassat ingerlasut amerlasuut piaartumik suliarineqarnissaannik pisariaqartitsimmata, tamannalu atuarfiit nalunaarusiornerminni oqaaseqaateqarfiginikuuat. Isumaginninnermut siunnersortitut atorfik Ilinniartitaanermut immikkoortortamut nuutsinneqaruni, oqartussa qarfiit piginnaasanut malittarisasaannut isumaginninnermi siunnersorti isersinnaajunnaassaaq aammalu taamaaliornikkut suleriaatsimi periuseq ajornerulerluni, suleqatigiinnermi pissutsinik aamma sunniissalluni.

Atuilluartuunissakkut kingunerisinnaasai

Sinaakkutinut, killissanut, perorsaarnermut akisussaanermullu tunngatillugu, ajornartorsiutaasut pingaarnersarisaat, meeqqanik angajoqqaanillu oqaloqatiginninnermik suliaqaannavittussanik atuarfiit namminneq sulisunut amerlassutsinik pilersitsippata atuilluartuunerussiaaq, taamaalilluni Atugarissaarnermut immikkoortortap nammineq pigisani paarinnassavaattaaq, Atugarissaarnermut immikkoortortamit amerlassusiliineq peerneqarneratigut artukkerneqarani.

Aningaasaqarnikkut allaffissornikkullu kingunerisinaasai

Atugarissaarnermut immikkoortortap sulisunut amerlassusiliinerit paarinnarunigit Atugarissaarnermut immikkoortortamut kinguneqassanngilaq, amerlassusiliinerit atuarfimmuut nuunneqarpara, sullissisunut sinneruttunut suliat quleriaat amerlanerulernerannik kinguneqassaaq. Misilittakkat takutippaat, isumaginninnermut siunnersortitut ataasiakkaanut suliat amerlavallaaraangata, isumaginninnermut siunnersortitut ilinnarsimasut kommuninut allanut suliffissarsiortarnerat aammalu kommunimi sullissisunik ilinniarsimannngitsoqalernissaanik kinguneqarsinnaavoq. Qallunaat kommuninik suleqateqarnermik suliniutit takutereerpaat, suliassat oqimassusaannut amerlassusaannullu tunngatillugu immikkoortorput sulisukippallaareersoq.

Allaffeqarfiup naliliinera

Atugarissaarnermut immikkoortortap nalilerpaat, isumaginninnermut siunnersortitut atorfimmik tamakkiisumik Ilinniartitaanermut immikkoortortamut tunniussinissaq pequtissaqanngitsoq, suliassat amerlassusaannut tunngatillugu Atugarissaarnermut immikkoortortaq sulisukippallaareerpat, illuatunga atigut Atugarissaarnermut immikkoortortaq sulisut amerlassusaasa qaffanneqarnissaanut pisariaqartitsivoq, innuttaasut pisariaqartitaannut sullissineq tamakkiisuussappat naammassineqassappallu.

Tamatuma saniatigut Atugarissaarnermut immikkoortortaq isumaqarpoq, nalilersuinnermut nassuiaat illuinnarsiortuusooq aamma Atugarissaarnermut immikkoortortami aqutsisut isumaqarput, nalilersuinnermi ingerlanermi akuutinneqartariaqaraluarlutik, taamaalilluni aaqqiissutissap eqqortup, periarfissat aamma pillugit akimortumik ingerlatsiviit marluusut suleqatigiillutik isumassarsianillu avitseqatigiillutik nassaarsinnaasasut.

Kisianni Atugarissaarnermut immikkoortortap innersuussutigissavaa, Ilinniartitaanermut immikkoortortaq isumaginninnermut perorsaasumik imaluunniit therapeutsitut atorfimmik nutaanik pilersitsissasoq, meeqqanik angajoqqaanillu oqaloqatiginninnermik suliaqartussamik, taamaalillutik angajoqqaat perorsaaneq, attaveqatigiinneq, meeqqanik inuusuttunillu oqaloqatiginninneq pillugit angajoqqaat siunnersorneqarlutillu ilitsersorneqarsinnaallutik aammalu minnerunngitsumik angajoqqaat qanoq killiliisarnermut ilinniartinneqartariaqaraluarput, angajoqqaani amerlasuuni kivitsisuusussamat. Misigissutsikkut anniaatit perorsaanerluunniit isumaginninnermut siunnersortip suliarisinnaanngilaa, kisianni isumaginninnermut siunnersorti eqqarsartaatsikkut ajornartorsiut suliarinissaannut ilinniarsimasuungimmat imaluunniit isumaginninnermut perorsaasutuulli perorsaaneq pillugu ilinniartitsisunik/angajoqqaanik siunnersuisinnaanngimmat, kisianni isumaginninnerup iluani tunngasuni inatsisip sinaakkutaasup ataani ingerlatsitseqqinissamut ilinniarsimasuulluni:

Isumaginninnermi siunnersortit marluk atuarfimmu sulinikuusut oqariartuutiginikuuat, meeqqat amerlasuut inooqataanikkut eqqarsartaatsikkullu ajornartorsiutinik annertuunik peqartuusut, angajoqqaat angajoqqaatut piginnaasaannik amigaateqarnerannik aamma Laissez faire

paasinnittaatsimik minnerunngitsumillu atonerluisuunerannik patsiseqartumik. Atuarfinni atuartut ajornartorsiutigisaat immikkut ilinniarsimanermik tunuliaquteqarnissamik terapeutiskimik isiginnittaatsimik imaluunniit perorsaanikkut suliaqarfimmik meeqqanut angajoqqaanullu misigissutsinut eqqarsartaatsikkullu issusaannut annertunerusumik paasinnissinnaanerminnut ilisimasaqarnerusunik pisariaqartitsivoq.

Atugarissaarnermut immikkoortortami oqartussani sullissisutut pingaaruteqarpoq, suleqatigiinnermik attaveqarnermillu pitsaasumik pilersitsisoqassasoq, taamaalillutik atuarfiit isumaqarput, oqartussat akulerunnissaanut annilannanatik, atuarfinni atuartunik taakkulu angajoqqaaviniq qajannaatsumik allanngugassaannngitsumillu atuarfiit pilersitsissasut. Oqartussani sullissisut akulikitsumik misigisarpaat, atuarfinit isumaginninnermi siunnersortinit aggersarneqaraangamik angajoqqaat annilaangaateqartartut, isumaginninnermi siunnersorti taanna oqartussat ataaniittoq naluneq ajoramikku, taamaattumik oqaloqatigiinnissanut takkunneq ajorlutik, meeqqamik angerlarsimaffimmit peersinneqarnissaa annilaangagisaramikku.

Taamaattorli akimortumik suleqatigiinnikkut Atugarissaarnermut immikkoortortap suli ukkatarisinnaavaa, aamma netværskmødet amerlillugit soorlu atuarfinnik suleqateqarluni ilaqutariinnik isumasioqatigiissitsineq. Atuarfiit aammattaaq namminneerlutik angajoqqaanik netværskmødertitsinissamut aggersaasinnaapput, tassani isumaginninnermut siunnersorti aggersarlugu, kisianni periarfissat taakku ulloq manna tikillugu atuarfiit atornikuunngilaat, taamaattumik Atugarissaarnermut immikkoortortap suleriaatsimik ingerlariaatsit taakku ingerlatsiviit akimorlugit periutsitit ilanngunneqarnissaa sulissutiginiarpaa.

Meeqqamut aamma Atugarissaarnermut immikkoortumut iluaqutaavoq, atuarfinni isumaginninnermi siunnersorti systemimut isersinnaassasoq, kiisalu Ilaqutariinnik kiffartuussivimmut soorlu isumaginninnermut siunnersortinut innersuussisinnaatitaassasoq.

Innersuussut

Atugarissaarnermut immikkoortortap Atugarissaarnermut ataatsimiititaliamut innersuussutigaa

- 1) isumaginninnermi siunnersortitut amerlasussiliinerit Atugarissaarnermut immikkoortortamiiginnassasut
- 2) atuarfinit marluusunut perorsaatut/terapeutit atorfinnik Ilinniartitaanermut immikkoortortaq nutaanik pilersitsissasoq
- 3) Atugarissaarnermut ataatsimiititaliap innersuussut akuersissutigissagaa aammalu suliaq Ilinniartitaanermut ataatsimiittialimut utertinneqassasoq, suliarineqareerneratalu kingorna suliaq Aningaasaqarnermut ataatsimiititaliami inaarutaasumik aalajangigassanngorlugu nassiutissagaa.

Aalajangiineq

Akuersissutigineqarput.

Ilanngussat

1. Ilinniartitaanermut ataatsimiititaliap aalingiinera imaqarniliamit ulloq 17.11.2020-miit
2. Atuarfinni isumaginninnermi siunnersortimik kiisalu sullissisumik sulisoqarnermut naliliineq

Paasissutissiissutit

Imm. 6.1 Paasissutissiissut Qeqqata Kommuniani Atugarissaarnermi Immikkoortorta qarfimmi kommunimi akigititassat 2021.

Journalnr. 06.01.01

Tunuliaqutaq

Qeqqata Kommuniani Atugarissaarnermut Immikkoortorta qarfik Atugarissaarnermut ataatsimiititaliamut eqqartugassanngorlugit akuerisassanngorlugillu ukiut tamaasa isumaginnermut tunngasuni akigititanut siunnersuutinik saqqummiisartussaavoq. Tamatuma kingorna suliamik saqqummiussa q inaarutaasumik akuerisassanngorlugu Aningaasaqarnermut ataatsimiititaliamut Kommunalbestyrelsimullu ingerlaqqittussaavoq.

Maleruagassatigut tunngavigisaaq

Utoqqarnik paaqqinniffiit pillugit Inatsisartut peqqussutaat nr. 11 30. oktober 1998-imeersumi § 5. § 5. Kommunini utoqqarnik paaqqinniffinni inissat pisariaqartinneqartut amerlassusillit pigineqarnissaat kommunalbestyrelsip qulakkiissavaa. Imm. 3 Utoqqarnik paaqqinniffiit sammisassaqartitsinermillu neqeroorutit kommunimit pilersinneqarlutillu ingerlanneqassapput. Qeqqata Kommunianut karseqarnermut naatsorsuutinullu malittarisassani immikkoortoq 3-mi imm. 2.3-mi allassimavoq, kommunalbetyrelsi aningaasaliisartuusoq. Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq § 31. § 31. Matumani peqqussut malillugu aningaasartuutit kommunalbestyrelsimit akilerneqartassapput.

Pissutsit atuuttut

Sisimiuni, Maniitsumi utoqqaat angerlarsimaffiini aamma utoqqaat illuat Kangaamiuni aningaasartuutit aamma najugaqartut amerlassusaat naapertorlugit 2021-mut akigititanut akiliutissanut siunnersuutit suliarineqarput, unalu siunnersuut Sisimiuni Maniitsumilu utoqqaat angerlarsimaffiini ilanngullugu utoqqaat illuat Kangaamiuni ulloq unnuarlu najugaqarnermut atuuppoq.

Taakku saniatigut pisortanit ikiorsiissutini ikiorsiisarnermi akigitinneqartut allannguuteqannginnissaat pillugu siunnersuusiortoqarpoq.

Siunnersuutit 2019-imi naatsorsuutini kiisalu 2019-imi utoqqaat angerlarsimaffiini najugaqartut amerlassusaat naapertorlugu aallaaveqartumik suliarineqarput.

Utoqqaat angerlarsimaffiini aammalu utoqqaat illuani najugaqartussatut innersuunneqartartut saniatigut utoqqaat angerlarsimaffiini aammalu utoqqaat illuani immikkut ittumik najugaqartussatut innersuussat, inatsit atuuttoq malillugu najugaqarnermut akiliuteqartoqartassapput. Najugaqartut tjenestemanditut pensionisiaqartut pineqarput.

Nerisassanik pajuttuineq:

Utoqqarnut angerlarsimaffimmini najugaqartunut nerisassanik pajuttarnermut siunnersuutigineqarpoq, nerisassanut ataatsinut aki 30,00 koruuniuginnassasoq.

Ornittakkamik atuisunut nerisaqarnermut akiliutit:

Ornittakkamik atuisunut siusinnerusukkut nerisaqartitsisoqartarnikuunngilaq.

**Atugarissaarnermut Ataatsimiititaliap december-ip 8-ani 2020-imi ileqquusumik ataatsiminnera
11/2020 – *Imaqarniliaq***

Ilaqtariinnermut immikkoortortap nerisassanut kissartunut akissaa 30,00 koruuniussasooq innersuussutigivaa, taanna malitsigisaanik utoqqalinersiaannit ilanngaatigineqarsinnaavoq.

Qasuersaartunut nerisaqartitsinermi aki:

Najugaqartunut qasuersaartinneqartunut siusinnerusukkut nerisaqartitsisoqartarnikuunngilaq. Najugaqartut taakku qasuersaartinneqarnerminni tamakkiisumik pensionisiaqartarmata siunnersuutigineqarpoq, ulloq unnuarlu 75,00 koruuninik ulluni taakkunani nerisaqarnermi akiliuteqartassasut, taanna malitsigisaanik utoqqalinersiaannit ilanngaatigineqarsinnaavoq.

Pisortanit ikiorsiissutini akigititat:

Qeqqata Kommuniani pisortat ikiorsiissutaanni ikiorsiisarnermi akit allanngortinneqassanngitsut Atugarissaarnermut immikkoortortap siunnersuutigivaa, takuuk takussutissiaq ataaniittoq.

Siusinaartumik pensionisialinnut utoqqalinersialinnullu aningaasat atorneqarsinnaasut:

Atugarissaarnermut immikkoortortap siunnersuutigivaa, siusinaartumik pensionisialinnut utoqqalinersialinnullu aningaasat atugassarititaasut 2020-imitut annertussuseqarlutik kisimiittumut 5.000 koruuniussasut aappariinnullu 8.000 koruuniussasut.

Aningaasaqarnikkut allaffissornikkullu kingunerisinaasai

Aningaasat innersuussutigineqartut pillugit takussutissaq:

	Aningaasat innersuussutaasut
Qeqqata Kommuniani utoqqaat angerlarsimaffiini najugaqarnermut kommuniq ataatsimoorussamik akigititaanik naatsorsuinermi: $50.602.734,78 : 31.557 = 1.603,53$	1.603,53
Nerisassanik ataatsinik pajutsinneq	30,00
Ornittakkamik atuisunut kissartunik nerisitsinermit nerisassanut akiliutissaq	30,00
Qasuersaartitsinermi ulloq unnuarlu nerisassanut akiliutissaq	75,00
Siusinaartumik pensionisialinnut utoqqalinersialinnullu kisimiittunut aningaasat qaammammut atorneqarsinnaasut	5.000,00
Siusinaartumik pensionisialinnut utoqqalinersialinnullu aappariinnut aningaasat qaammammut atorneqarsinnaasut	8.000,00

Pisortanit ikiorsiissutini akigititanut allannguisoqassanngitsooq Atugarissaarnermut immikkoortortap innersuussutigivaa:

Ikiorsiermi akigititat	Qaammammut	Ullunut 14-inut	Sapaatip akunneranut
Kisimiittoq namminerisaminik inilik	1.680,00	776,00	388,00
Aappariit namminerisaminnik inillit	2.836,00	1.310,00	655,00
Kisimiittoq inisimasooq	1.420,00	656,00	328,00
Aappariit inisimasut	2.836,00	1.310,00	655,00
Pilersuisussaataasumut meeqqamut ataatsimut tapeq	1.000,00	462,00	231,00
Inuussutissat, inersimasumut ullormut	Aningaasanngorlugit akigititat affaat		
Inuussutissat, meeqqamut ullormut	Meeqqanut tapit affaat		

Utoqqarnut Siunnersuisooqatigiit

Qeqqata Kommuniani atugarissaarnermut tunngasuni ukioq 2021-mi Kommunip akigititaanut siunnersuutit utoqqarnut tunngassuteqartut siunnersuutigineqarneri. Tassani annerusumik maluginiagassaavoq, utoqqaat angerlarsimaffiini najugaqarnermut ataatsimoorussamik akigititat naatsorsornerini, ukiup siuliani annikitsumik appariaateqarsimasut, aammalu siunnersuutigineqarsimalluni; kissartunik nerisitsinerimut, qasuersaartitsinerimi ulloq unnuarlu nerisassanut kiisalu aningaasat qaammammut atorneqarsinnaasut akiligassat peereernerini killiussat allanngortinniarneqanngitsut.

Ilaasortat tamarmik isummersoreernerimikkut akigitinniakkanut killiliussat isumaqatigalugit akuersaarpaat. Taamaasilluni tusarniutigineqartut utoqqarnut tunngassuteqartut ilalugit taparserneqarput.

Allaffeqarfiup naliliinera

Atugarissaarnermut immikkoortortaqarfiup nalilerpaa, akigititassatut innersuussat 2021-mi ukiumi missingersuusiorfiusumi atuutissasut.

Innersuussut

Atugarissaarnermut immikkoortortaqarfiup Atugarissaarnermut ataatsimiititaliap siulittaasup tullianut innersuussutigaa

- Qeqqata Kommuniani utoqqaat angerlarsimaffiini najugaqarnermut kommunip ataatsimoorussamik 2021-mut akigititanut akiliutissanut siunnersuutaa 1.603,53 koruuniusoq akuersissutigineqassasoq
- utoqqalinersialinnut nerisassanik pajunnermi akigitinneqartoq 30,00 koruunimiiginnassasoq
- ornittakkamik atuisunut kissartunik nerinerimut nerinerimi akiliut 30,00 koruuniussasoq
- qasuersaartineqartunut ulloq unnuarlu nerinerimut akiliut 75,00 koruuniussasoq
- siusinaartumik pensionisialinnut utoqqalinersialinnullu kisimiittunut aningaasat qaammammut atugassat 5.000,00 koruuniuginnassasut
- siusinaartumik pensionisialinnut utoqqalinersialinnullu aappariinnut aningaasat qaammammut atugassat 8.000,00 koruuniuginnassasut
- Pisortanit ikiorsiisarnermi akigitinneqartut allanngortinneqassanngitsut
- Suliaq Borgmester-imut Kommunalbestyrelsimullu akuersissutigisassanngorlugu saqqummiunneqassasoq.

Siulittaasup tulliaa aalajangiinera

Innersuussut ulloq 26.11.2020 ataatsimiititaliap siulittaasuata tullianit akuersissutigineqarpoq.

Atugarissaarnermut Ataatsimiititaliap suliareqqiinera

Innersuussut

Siulittaasup tulliaa ulloq 26.11.2020 akuersissutaa tusaatissatut tiguneqassasoq.

Aalajangiineq

Tusaatissatut tiguneqarpoq.

Ilanngussaq

1. Utoqqaat angerlarsimaffiini aammalu utoqqaat illuani najugaqarnermut akigititap naatsorsornera

Imm. 08 Tamalaat

Hans Frederik Olsen angerlarsimaffeqanngitsut pillugit Qeqqata Kommuniata sulinera pillugu allaffeqarfimmiit innuttaasunut nalunaaruteqartoqarnissaa kissaatigaa.

Pisortaaneq nassuaateqarpoq Maniitsumi suliaq ingerlasoq aammalu ammaasoqaliivissoq. Sisimiuni inimut attartornermut allagartaq atsiorneqartussaq A/S INI-miit nassiunneqarnissaa Qeqqata Kommunianit suli utaqqineqarpoq, taannalu peqqutaalluni suli ammaasoqanngilaq.

Erik Jensen pisortaaneq Nuummut angalasimanera qanorlu angusaqarsimanersoq paaserusuppaa. Pisortaanerup nassuaateqarfigaa.